

16 APR 1997

DR MAHATHIR LANCAR EKSPLO PENCAPAIAN EKONOMI BUMIPUTERA

KUALA LUMPUR, 16 April (Bernama) -- Perdana Menteri Datuk Seri Dr Mahathir Mohamad hari ini melancarkan Ekspo Pencapaian Ekonomi Bumiputera bagi menonjolkan kemajuan mereka dalam sektor itu sejak 50 tahun lepas.

Ekspo yang akan berlangsung di Pusat Dagangan Dunia Putra sehingga 27 April itu dianjurkan oleh Wanita Umno sempena sambutan ulangtahun Umno ke 50. Upacara pelancaran disiarkan "secara langsung" menerusi Internet.

Yang turut hadir ialah Datin Seri Dr Siti Hasmah Mohd Ali serta Timbalan Perdana Menteri Datuk Seri Anwar Ibrahim dan Datin Seri Dr Wan Azizah Wan Ismail, Ketua Pergerakan Wanita Umno Datuk Dr Siti Zaharah Sulaiman, Ketua Pemuda Umno Datuk Ahmad Zahid Hamidi, beberapa menteri kabinet dan tokoh korporat.

Sebelum itu, Dr Mahathir memeriksa kawalan kehormatan oleh 500 anggota Briged Wanita Umno.

Ekspo itu membolehkan pelabur, usahawan, pelawat asing dan rakyat tempatan mengikuti menerusi persembahan multimedia kemajuan ekonomi sejak 50 tahun lepas meliputi sektor perladangan, perkapalan dan maritim, petroleum, lapangan terbang, penerbangan, lebuhraya, tenaga, pendidikan, telekomunikasi, kewangan, tanah dan hartanah serta automotif dan pengangkutan darat.

Ekspo itu akan dibuka kepada umum mulai esok. -- BERNAMA  
MAM MAI